



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ՀԱՅԿԱԿԱՆ ԲԱՐԵԳՈՐԺԱԿԱՆ
ԸՆԹՀԱՆՈՒՐ ՄԻՈՒԹԵԼՆ

ՔԱՆԱՄԵԼԿԸ

1906—1926

1926

ՆԻՒ ԵՈՐՔ

361

Բ-70

Հ. Բ. Ը. ՄԻՈՒԹԻՒՆ

Ամփոփ Հաշուեկշիռ Քսան Տարիներու

(1906-1925)

ԸՆԴՀ. ՄՈՒՏՔ

Մուտքի տուրքեր	115.195.00
Անդամաժնարներ	483.130.00
Հիմնական Դրամազլիի համար	137.220.00
Մասնաւոր Դրամազլիի համար	400.340.00
Հիմնական եւ Մասնաւոր Դրամա- զլիւններու հասոյթներ եւ տո- կոսներ	275.325.00
Որբերու, զազթականներու եւ ա- ղէտեալներու համար հանգաւ- կութեանց եւ նուէրներու ար- դիւնք	1.778.625.00
	§3.189.835.00

ԸՆԴՀ. ԵԼՔ

Այլեւայլ նպատակներու յատկացում	§1.821.540.00
Հիմնական Դրամազլիի հաշույն ան- ցած	328.060.00
Մասնաւոր Դրամազլիի հաշույն ան- ցած	441.735.00
Պահեստի եւ ստիպողական նպատա- կներու հաշույն	127.650.00
Ընդհանուր ծախք	273.760.00
Պատրաստ, 1925ի վերջը	197.090.00
(Տրամադրելի՝ հիմնադրամներու, ընդհ. ծախսոց եւ այլ նպատակներու :)	
	§3.189.835.00

1 MAR 2010

Հ. Բ. Ը. ՄԻՈՒԹԵԱՆ

ՔՍԱՆԱՄԵԱԿԸ

1906-1926

Ապրիլ 15ը ազգային մեծ դէպքի մը տարեգարծն է :

Այն օրն է որ Հայական Բարեգործա-կան Ընդհանուր Միութիւնը հիմնուեցաւ Գահիրէ, ապէ 20 տարի առաջ, 1906ին :

Եւ խորհրդաւոր զուգադիպութեամբ մը Հայկական Զատիկն ալ կը տօնուէր միեւնոյն օրը :

Ուրեմն տարւոյս Ապրիլ 15ին Հայ-կական Բարեգործական Ընդհանուր Մի-ութիւնը բոլորած եղաւ քսան տարուան շրջան մը :

Հ. Բ. Ը. Միութեան ծնունդը մեր պատմութեան հոյակապ էջերէն մին կը կազմէ : Առաջին անգամն է որ աշխարհիս ամէն կողմէն Հայեր ձեռք ձեռքի կուտա-յին, առանց դաւանանքի եւ դասակարգի խտրութեան, եւ Ազգային Վերածնու-թեան գաղափարին նուիրուած՝ կ'արձա-նադրուէին ուխտաւորական բանակի մը

Հարժեքունի մեջ կազմակերպեալ ոյժ ըստեղծելու, ինքնօգնութեան եւ ինքնապաշտպանութեան ամբողջներ կերտելու :

Հ. Բ. Ը. Միութիւնը աղքատախնամ
մարմին մը չէր, ինչպէս ոմանք կը կար-
ծէին, հապա հայրենասիրական համազ-
գային կազմակերպութիւն մըն էր, որուն
հոգաճութեան առարկայ էին միայն՝ հայ-
րենի հողին հաւատարիմ մնացող Հայերը :
Եւ այդ ուղղութեամբ է որ Միութիւնը
գործեց Հայաստանի եւ Կիլիկիոյ մէջ —
գալրոցներ բանալով, դարմանատուններ
եւ հիւանդանոցներ հաստատելով, դիւ-
ղացիներուն հող եւ սերմնցու հայթայթե-
լով, արհեստաւորներուն դրամադրութի
տալով, աղէտեալներուն նպաստելով,
եւն. եւն. :

Դառնաղէտ մեծ փոթորիկը մեր ազգային բոլոր հաստատութեանց հետ միասին աւերեց քանդեց այդ համեստ կոթողներն ալ, աւա՛ղ,— բայց Միութիւնն, ինքը, իր ամրակուռ հիմերուն վրայ մընաց անսասան ու կանգուն, և Զինուղարէն անմիջապէս յետոյ վերսկսաւ գործի: Անիկա իր հովանին տարածեց անպատի աքսորականներուն վրայ, և իր թեւերուն ներքեւ առաւ հազարաւոր ան-

տէրունչ հայորդիներ, քաղաքական դըժ-
խեմ գէպընդուն համեմատ փոխելով իր
դործունէութեանց գլխաւոր դաշտերը,—
Բորդ Սախտէն՝ Կիլիկիա, Կիլիկիայէն՝
Ետ, դէպի Սուրիա եւ Լիբանան: Ներկայ
պահուստ՝ անիկա ներկայացուցիչներ ունի
Յունաստանի մէջ ալ, որ կը ջանան ամո-
թելու մեր չքաւոր տարագիրներուն տա-
նապանքը:

* * *

Հ. Բ. Ը. Միութեան անցեալ 20 տա-
րիններուն վրայ յետադարձ ակնարկ մը՝
պարծանքով եւ խրախուսանքով կը պա-
րարէ զմեզ: Անոր գործունէութեան մէջ
սխալներ ու թերացումներ եղան անշուշտ:
Ոչ ոք պիտի յաւակնէր «անքննադատելի»
մակդիրը շնորհելու անոր վարիչներուն
կամ պաշտօնեաններուն: Կրնանք հաւա-
տալ սակայն, որ եթէ բազմաթիւ
փորձ մը կատարուի՝ գերազանցութեան
գափնին պիտի պատկանի Հ. Բ. Ը. Մի-
ութեան: Նմանօրինակ ուրիշ ո՛չ մէկ ազ-
գային հիմնարկութիւն փայլեցուցած է
առողջ ու բեղմնաւոր կենսունակութիւնը
այս «փոքրիկ հանրապետութեան», եւ
պայծառ թափանցականութիւնը այս «ա-

63498-62

պակիէ տան», — ըստ բացատրութեանց Միութեան հիմնադրին, Պօղոս փաշա Նուպարի:

Եւ այդ պայմաններուն շնորհիւ է որ Միութիւնը կարողացած է (մինչեւ 1925ի վերջը) դոյացնել 3,000,000 տոլարէ աւելի գումար մը, որուն մեծագոյն մասը ընդհանուր նպաստի յատկացուելով՝ 750,000 տոլարը կ'անցնի դրամադուլսի հաշոյն, Կանոնադրի տրամադրութեան եւ կտակարարներու բաղձանքին համեմատ:

* * *

Ժամանակը եկած է որ ուժգին թափ մը տրուի Հ. Բ. Ը. Միութեան:

Ժամանակը եկած է նաեւ՝ որ անոր գործունէութեան ասպարէզն ու կերպերը ընդարձակուին:

Միութեան նպատակն է, ըստ Կանոնադրին՝

«Ա. Մայր-Հայրենիքի եւ Փոքր-Ասիոյ Հայ Ժողովրդին մտաւոր եւ բարոյական զարգացմանը նպաստել:

Բ. Անոր նիւթական եւ տնտեսական կացութիւնը բարւոքելու աշխատիլ:

Գ. Այս արդիւնքը յառաջ բերելու ծառայող որեւէ ձեռնարկ կամ հրատարակութիւն քաջալերել:

Սովորական, կամ քիչ չատ խաղաղաւէտ պայմաններու մէջ կարելի էր գոհացուցիչ քայլեր առնել այդ երեք գիծերուն վրայ ալ: Դժբախտաբար Հ. Բ. Ը. Միութեան հիմնադրումէն մինչեւ հիմա շանցաւ տարի մը առանց արտակարգ աղէտալի դէպքերու: Սովն ու կոտորածը, հալածանքն ու տեղահանութիւնը յաջորդեցին իրարու յարաձուն սաստկութեամբ, եւ ստեղծեցին այնպիսի վիճակ մը որ անպակի դարձուց իսկական նպատակին իրադրոժումը: Հարկ եղաւ որ Միութեան տրամադրելի ոյժերուն ամենամեծ մասը յատկացուի որբերուն եւ աղէտեալներուն:

Իսկ հիմա՝ կը գտնուինք Հայ մարտիրոսագրութեան մէկ նոր թուականին ըսկիզբը, բոլորովին տարբեր պայմաններու մէջ: Այսօր Հայութիւնը ջնջուած է Փոքր Ասիայէն եւ Մայր-Հայրենիքի թրջական նահանդներէն: Կայ Արարատեան Հայաստան մը, եւ կայ տարագիր Հայութիւն մը — Պալէստինայ եւ Սուրիական երկիրներու մէջ ապաստանած ու մինչեւ

Յրանսա եւ իտալիա սփռուած : Եղբրական
այս նոր կացութեան հանդէպ՝ Հ. Բ. Ը.
Միութեան կը մնայ շինարար եւ փրկա-
րար գործը յառաջ մղել, ո՛չ միայն անըն-
կուն սրտով, հապա նաեւ բազմապատիկ
ուժով ու բազմապարփակ ծրագրով :

Մինչեւ հիմա՝ Միութեան Զանգերը
նուիրութեան զուտ բարեգործութեան :
Ժամանակը հասած է որ անոր նպատակին
միւս ճիւղերն ալ ի նկատ առնուին : Թիւր-
քիոյ հայ տարրը արմատախիլ եղաւ իր
բնիկ հողէն, ու նետուեցաւ օտար ափերու
վրայ, նման մեր վաղեմի գաղթականու-
թեանց որոնց ոմանք անհետացած են այ-
սօր, եւ ուրիշները՝ մահամերձ կը գրոտ-
նուին :

Եթէ Հայ ազգի գոյութեան պահպա-
նումը մեր սիրական իտէալն է՝ անխուսա-
փելի հարկ կը ծագի իմաստուն եւ կորու-
վի պայքարի : Եւ այդ պայքարը պէտք է
մղուի թէ՛ նիւթական եւ թէ՛ բարոյական
ոյժերով, թէ՛ տնտեսական եւ թէ՛ մտա-
ւոր մարզերու մէջ : Արարատեան դաշտի
գիւղացին սերմնացու եւ լծկան կ'ուղէ .
տարաշխարհի գաղթականը ուտեստ եւ
զգեստ կ'ուզէ : Ասոնք հայթայթենք որ-
չափ որ հնարաւոր է, բայց զանց չընենք

այն միւս պէտքերն ալ որ անհրաժեշտ են՝
անոր միտքը հիւսնելու, արհա-
ւացնելու, ընդունակութիւնները սրելու,
եւ այդ ամէնուն հետ միասին՝ անոր ազ-
գային գիտակցութիւնը հրահրելու : Ա-
սիկա կը նշանակէ՝ դատիարակութիւնը
Հայ անհատին, եւ զօրեղացումը ամբողջ
ցեղին : Հ. Բ. Ը. Միութիւնը կրնա՞յ գոնէ
քսան տարի այս ուղղութեամբ օգնել Հայ
Ժողովրդին :— Եթէ այո՞, վստահ ըլլանք
որ վաղուան սերունդը պիտի կազմէ նոր
Հայութիւն մը, առողջ եւ կորովի, բանուկ
եւ ճարտար, քաջասիրտ եւ ուղղամիտ,
շինարար եւ բարեկեցիկ : Առանց չափա-
զանցութեան կրնայ ըսուիլ թէ՛ վերջին
բառորդ դարու միջոցին Հայ ազգը կոր-
սընցուց իր զաւակներուն մէկ երրորդը,
իր մտաւորականներուն մէկ երկրորդը, եւ
իր նիւթական հարստութեան երեք չոր-
րորդը : Աղէտը ահաւոր է, անտարակոյս,
բայց պէտք չէ՛ յուսահատիլ . պէտք է
խելքի ոյժը գործածել . արժէքաւոր ան-
հատներու թիւը բազմացընել, եւ ինչ որ
քանակով պակսեցաւ՝ որակով փոխարի-
նել :

Եւ որպէս զի այդ փառաւոր արդիւնքը
ձեռք բերուի՝ Հ. Բ. Ը. Միութեան պէս

մարմին մը պէտք է ստանձնէ հետեւեալ պարտականութիւնները։—

Ա.— Առատօրէն նպաստել Հայաստանի շինարարական ձեռնարկներուն, — ՀՅԿի ձեռքով կամ տարբեր միջոցներով։

Բ.— Խնամքով դաստիարակել եւ ինքնապահ աշխատանքի վարժեցնել հայ որբերը, մանչ եւ աղջիկ, եւ դանոնք հետըզհետէ Հայաստան փոխադրել։

Գ.— Միջոցներ ձեռք առնել որ օտար հաստատութեանց մէջ գտնուող հայ որբերը չի զրկուին ազգային կրթութենէ։

Դ.— Որոշ գումար մը յատկացնել՝ Միջագետքի անապատը եւ ուրիշ տեղեր գտնուող երկսեռ հայ գերիներու ազատագրութեան գործին։

Ե.— Կանոնաւոր յարաբերութիւն մը չափել բոլոր աշխարհի հայ դադութիւններուն հետ, եւ անոնց մէջ ազգային գիտակցութիւնը վառ պահել, Հայաստանը չէնցընելու բաղձանքն արծարծել։

Զ.— Մերձաւոր Արեւելքի դաղթավայրերուն մէջ, մասնաւորապէս Սուրիա եւ Յունաստան, եղբայրական օգնութիւն մատուցանել մեր տարագիրներուն, — այսինքն՝ խնամք հասցնել հիւանդներու, առաջնորդել անփութներու եւ պանդուխտ-

ներու, ապրուստի միջոց գտնել անգործներու, ընդհանրացընել առողջապահական եւ կենցաղավարական գիտելիքները, քաջալերել ամուսնական կեանքը, մաքառիլ մոլութեանց դէմ, ինչպէս են՝ թղթախաղը, արբեցութիւնը, շոյալութիւնը, կրուուագանութիւնը, եւն. եւն.։

Այս բոլորը միասին կը նշանակեն թէ Հ. Բ. Ը. Միութիւնը դաստիարակի, խրնամակալի եւ պաշտպանի դերը ստանձնելով պիտի ջանայ բարեկաւելու Հայ ազգին նիւթական եւ տնտեսական վիճակը, եւ դարգացընելու անոր մտաւոր եւ բարոյական ոյժերը։

Ինծի կը թուի, վերջապէս, թէ ներկայ թուականէն սկսեալ, Հ. Բ. Ը. Միութիւնը, քաճամաճայ երիտասարդի մը խելահաս, կորովի եւ մեծաբաղձ (ambitious) հոգեբանութեամբը համակուած՝ պէտք է օրդեգրէ նոր մեթոտ մը, — քջակորով եւ արդիւնաշատ (aggressive and efficient) գործունէութեան մեթոտը։

Հ. Բ. Ը. Միութիւնը պէտք է աւելի որոշ գզայ իր պատասխանատուութիւնը Հայաստանի եւ Հայութեան հանդէպ, եւ պահպանողական խնայողութեան ցանդէն դուրս ելած՝ իր յատուկ պաշտօնական-

րուն, առաքեալներուն, բնական եւ քարոզիչներուն միջոցով հասնի ուր որ հարկն է, — օգնելու եւ քաջալերելու, կըրթելու եւ լուսաւորելու...:

Այդ կերպով միայն Հ. Բ. Ը. Միութիւնը կրնայ դառնալ համազգային եղբայրակցութեան այն օղակը, որ իրարու պիտի զօդէ աշխարհիս չորս անկիւնները սփռուած Հայերը:

* * *

Ամերիկան աշխարհիս ամէնէն հաւրաստ ու ամէնէն բախտաւոր երկիրն է: Հետեւաբար Ամերիկայի Հայութիւնն որ իր այս բնակավայրին կամ նոր հայրենիքին բարիքները կը վայելէ՝ բացառիկ պարտականութիւններ ունի հանդէպ Հայ ցեղին եւ Մայր-Հայրենիքին:

Արդար ըլլալու համար ըսենք թէ Ամերիկայի Հայութիւնն իր պարտականութիւնը կատարած է որոշ չափով մը: Վերջին տասը տարուան ընթացքին այս երկրին մէջ կատարուած ժողովրդային նուիրատուութեանց եւ հանդանակութեանց արդիւնքը կը մօտենայ 3,000,000 տոլարի: Թերեւս նոյնչափ գումար մը կը կազմեն՝ Հայ անհատներու կողմէ ազգականներու

եւ բարեկամներու զրկուած նպաստները եւ փոխատուութիւնները: Հ. Բ. Ը. Միութեան քսան տարուան հասոյթներուն մէկ երրորդը, մօտաւորապէս 1,000,000 տոլար, Ամերիկայի մասնակցութեան բաժինն է:

Բայց այս գաղութը, իր առատաճեցնութեանը համար գովելի՝ կարող է շատ աւելի զօրեղ աջակցութիւն ընծայելու Հ. Բ. Ը. Միութեան: Միութեան Ամերիկայի անդամներուն թիւը, որ քանի տարիներէ ի վեր կը հաշուուի 6000, ինչո՞ւ չը հասնի 20,000ի: Տարեվճարի նուազագոյն քանակը որ 3 տոլար է — ինչո՞ւ չը բարձրանայ 6 տոլարի: Տարեկան ամբողջ հասոյթը որ այսօր 100,000 տոլարի շուրջն է ինչո՞ւ չը լինի գոնէ 200,000 տոլար:

Անվիճելի իրողութիւն մըն է որ մեր Շրջանակային Յանձնաժողովները, վարչութիւնները եւ պաշտօնեաները մինչեւ հիմա շատ ժամանակ եւ ջանք զոհեցին: Եւ այդ զոհողութեանց չնորհիւ է որ Հ. Բ. Ը. Միութիւնն այսչափ աճեցաւ ու զօրացաւ Ամերիկայի մէջ: Բայց եւ այնպէս՝ լաւ լաւագումինի քշումի է, ինչպէս կ'ըսէ առածը: Մենք իրաւունք ունինք աւելի՛ առատ հունձք ակնկալելու այս լայնածա-

ւալ եւ արդաւանդ անդաստանէն : Պէտք է խոստովանիլ որ Հ. Բ. Ը. Միութիւնը տակաւին չէ գնահատուած արժանապէս : Հազարաւոր Հայեր կան որ իբրեւ անդամ արձանագրուած ըլլալու էին մինչեւ հիմա , բայց չեն : Եւ փոքր չէ թիւը անոնց ալ որ թէեւ ժամանակին անդամագրուած չեն իրենց պարտքը մոռնալ կը ձեւացնեն եւ իրենց դրկուած հրաւերներէն հաշուեթղթերը դամբիւղ կը նետեն . . . :

Ձանանք որ պարտաճանաչութեան շեփորը արծազանդ գտնէ ամէն հայ սրտերու խորը , եւ նոր թուական մը բացուի Ամերիկահայ դադութի պատմութեան մէջ :

Քսանամեակը թող ըլլայ գեղեցիկ պատեհութիւն մը՝ յուսով ու հաւատքով գործի փարելու , որպէս զի Հ. Բ. Ը. Միութիւնը յառաջիկայ տարին բոլորէ աննախընթաց յաջողութեամբ :

Եւ ներուի ինձ այս առթիւ հանրային ուշադրութեան ներկայացնել մի քանի առաջարկներ , որ եթէ ընդունուին եւ կիրարկուին՝ կրնան զմեզ առաջնորդել դէպի բաղձացեալ նպատակը :

Ա. Խնդրել վարչական անդամներէն որ իրենց ընտրութեան օրը հանդիսապէս

խոստանան ճշդապահ եւ հաւատարիմ ծառայութիւն , ցորչափ գտնուին պաշտօնի վրայ :

Բ. Ընդհանրացնել «փոխան ծաղկեպղտակի» նուիրատուութիւնները յուղարկաւորութեանց առթիւ , նոյնպէս խնդակցական նուիրատուութիւնները՝ մկրտութեան , նշանտուքի եւ հարսնիքի առթիւ :

Գ. Գանձանակներու թիւը բազմապատկել հայ գործատեղիներու եւ գրասենեակներու մէջ :

Դ. Միութիւնը ծանօթացնել եւ սիրելի դարձնել մեր անդլիախօս նոր սերունդին եւ այն Հայերուն որ աղգէն օտարացած եւ մեկուսացած կ'ապրին :

Ե. Միութեանս օգտին կտակներ եւ կեանքի ապահովագրութիւններ ձեռք բերել :

Զ. Յարաբերութիւն հաստատել Ամերիկահայոց Հայրենակցական , Կրթասիրական եւ Վերաշինական կազմակերպութեանց հետ :

* * *

Վերոյիշեալ առաջարկներու որդեգրումը եւ կիրարկումը բնականաբար կ'ազնկանալուն Շրջանակային Յանձնաժողո-

վէճն եւ Մասնաճիւղային Վարչութիւններէն-
ըէն, եւ կամ վճարեալ աշխատուորներէն :
Յայտնի բան է սակայն որ մեր պաշտո-
նական մարմիններուն եւ զործիչներուն
յաջողութիւնը շատ աւելի արագ եւ փայ-
լուն կ'ըլլայ եթէ Միութեանս մէկն մէկ
անդամն ալ իր սիրայօժար ծառայութեան
բաժինը մատուցանէ : Որովհետեւ առա-
ջադրուած վսեմ նպատակներուն իրակա-
նացման համար պէտք կայ բազմատեսակ
ոյժերու — խորհուրդի եւ զգացումի, աշ-
խատանքի եւ նուիրումի, քարոզութեան
եւ առաքելութեան, — մէկ խօսքով՝ նիւ-
թական եւ բայոյական գոհողութեանց :

Ո՛ւր էր թէ Հ. Բ. Ը. Միութեան նը-
շանակութիւնը լիովին ըմբռնուէր, եւ զո-
հողութիւնները կատարուէին արժանա-
վայել փութկոտութեամբ եւ խանդավա-
ռութեամբ :

Ասկէ տասներեք տարի առաջ, երբ
Միութեան ծնունդին «Եօթնամեակը» կը
շնորհաւորէի փոքրիկ հրատարակու-
թեամբ մը՝ Ամերիկայի մէջ կազմուած
էին 47 մասնաճիւղներ, 2000 անդամնե-
րով : Այսօր՝ մասնաճիւղներուն թիւը
կրկնապատկուած է, եւ անդամներունը՝
եռապատկուած : Այսօր՝ Հ. Բ. Ը. Մի-

ութիւնն Ամերիկայի մէջ կը վայելէ թան-
կագին աջակցութիւնը որբախնամ պատ-
ուական տիկիներու, ինչպէս եւ համակ-
րութիւնը բազմաթիւ ակնաւոր Ամերի-
կահայերու : Անցեալին հետ ներկայիս այս
համեմատութիւնը քաջալերական է ան-
շուշտ, բայց, ափսո՛ս որ անբաւական է
ժամանակի պահանջներուն :

Վերջին տասներեք տարուան միջոցին
աղբովին ենթարկուեցանք աննախընթաց
արհաւիրքներու . կրակէ անձրեւներ տե-
ղացին մեր գլխուն . արիւնի լիճեր բաց-
ուեցան մեր ճամբուն վրայ . մեր ընտա-
նեկան ծխաններուն մուխը մարեցաւ . մեր
հայրենի տաճարներուն խունկը դադրե-
ցաւ : Եւ տակաւին մեր աչքերուն առջեւ
են քստմենի պատկերները դահիճներուն ,
եւ մեր ականջներուն կը հնչեն՝ աղէխարշ
լալօնքը մեր հայրիկներուն ու մայրիկնե-
րուն , աղբարիկներուն ու քուրիկներուն ,
ուստրիկներուն ու դստրիկներուն . . . :

Հայե՛ր, եթէ ձեր սիրտերը կսկիծով
կը մորմոքին՝ ու եթէ ձեր հոգիները դայ-
րոյթով կը բորբոքին՝ եկէ՛ք, միացէ՛ք Հ.
Բ. Ը. Միութեան շարքերուն : Եկէ՛ք ան-
վարան ու անյապաղ : Միութիւնը զօրու-
թիւն է : Միութիւնն է որ պիտի բուժէ ձեր

դառն կսկիծը: Միութիւնն է որ պիտի
լուծէ ձեր արդար վրէժը: Յառա՛ջ. պըն-
դակազմ հետեւեցէք այն դրօշակին որ
կ'առաջնորդէ դէպի Հայութեան վերածը-
նութիւնը, դէպի Հայաստանի վերաշինու-
թիւնը:

Վ. Մ. ՔԻՒՐՔՃԵԱՆ

Մայիս 31, 1926

Նիւ Եորք

Այս տետրակին պարունակութեան մէկ մասը
արտատպուած է՝ Հայաստանի Կոչնակին մէջ
1923ին երեւցած մէկ յօդուածէս:

Հաճեցէք կարդալէ վերջ զայն տալ հայ բա-
րեկամի մը:

Եւ եթէ ուրիշ օրինակներ կ'ազգէ՝ դիմեցէք
այս հասցէին:—

ARMENIAN GENERAL BENEVOLENT UNION
287 Fourth Avenue New York City

Հ. Բ. Ը. ՄԻՈՒԹԵԱՆ ՀԱՍՈՅԹՆԵՐԸ
ԱՄԵՐԻԿԱՅԷՆ

Հ. Բ. Ը. Միութեան Ամերիկայի ա-
ռաջին մասնաճիւղը Պոսթոն հիմնուեցաւ
1909ի սկիզբը: Մինչեւ 1925ի Դեկտ. 31
Միութեան Կեդրոնական զանձն Ամերիկա-
յէն ընդունած է \$1,055,451.53 հետեւեալ
կերպով:

1909ից	\$2,340.00
1910ից	2,849.35
1911ից	7,340.86
1912ից	9,839.37
1913ից	7,226.40
1914ից	23,689.86
1915ից	22,213.26
1916ից	18,811.81
1917ից	21,174.10
1918ից	49,548.26
1919ից	124,282.34
1920ից	212,364.21
1921ից	115,187.77
1922ից	102,592.69
1923ից	
1924ից	
1925ից	

ՀՀ Ազգային գրադարան



N1 0211235

Գումար

43.184

—	Հ. Բ. Ը. Միութեան խաճեռնութեամբ կա- ւած American-Armenian Relief Fundի հասոյթը (1916-17)	55,300.00
• —	Հ. Բ. Ը. Միութեան նա- խաճեռնութեամբ Բարիգի Աղղ. Հիմնադրամին հա- մար հանգանակուած	11,000.00
—	Նիյր Իսթ Րիլիֆէն կրկ- նապատկուած նպաստ	89,000.00
—	Ա. և Մ. Գարակէօղեան Տան նպաստը 150 որբերու համար, մինչեւ 1925 Դեկտ. 31	72,000.00

